

Kepentingan Memelihara Kedaulatan Undang-undang, Privasi Media Sosial Perlu Seimbang – Kamaruddin Bernama
18 Julai, 2012

KUALA LUMPUR, 18 Julai (Bernama) -- Kepentingan memelihara kedaulatan undang-undang dan privasi media sosial perlu mempunyai keseimbangan, kata Ketua Setiausaha Kementerian Penerangan, Komunikasi dan Kebudayaan Datuk Seri Kamaruddin Siaraf Rabu.

Beliau berkata sejajar dengan itu, adalah amat penting bagi pihak berkuasa menjalin kesefahaman lebih mendalam dengan penyedia media sosial dan memahami dasar komersial yang mendasari penggunaan aplikasi media sosial.

"Malaysia amat prihatin tentang jenayah yang dilakukan dan perbuatan mengeneipkan undang-undang kerana kepandaian menggunakan aplikasi Internet dan media sosial kadangkala boleh mencipta 'kelubung anonimiti'.

"Kelubung anonimiti ini boleh mencetuskan pelbagai masalah sosial seperti perbuatan membuli dan mengganggu melalui alam siber.

"Malangnya, tidak ada cara difinitif untuk mengira jumlah kes ini kerana kita tahu bahawa bukan semua mangsa melaporkan kejadian ini kepada pihak berkuasa, dan bagi yang membuat laporan pula, mereka jarang mendapat pembelaan secara undang-undang kerana unsur anonimiti yang terdapat dalam Internet.

"Oleh itu, penjenayah siber sering terlepas begitu saja daripada kesalahan yang mereka lakukan," katanya ketika merasmikan Forum Meningkatkan Keberkesanan dan Keselamatan Media Sosial ITU-Asean di sini.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=681569>

